




REVIZORSKI IZVJEŠTAJ ZA 2015. GODINU

SARAJEVO, APRIL 2016. GODINA



DOO „REVIZIJA ŠKAMO“ TUZLA
DRUŠTVO ZA REVIZIJU, RAČUNOVODSTVO
I KONSALTING

Aleja Alije Izetbegovića br. 22.

tel / fax 035 254 493, Mob. 061 151 690

E-mail: skamo@bih.net.ba

I. D. – 4209806050009,

P.B. – 0301243000

Na osnovu Člana 49 st. 1 i 2 i Člana 53 Zakona o računovodstvu i reviziji Federacije BiH (Službene novine F BiH br. 83 / 09) ovlaštenu revizor društva za reviziju, računovodstvo i konsalting Revizija Škamo d.o.o. Tuzla izvršio je reviziju Finansijskih izvještaja za poslovnu 2015. godinu kod Udruženja poslodavaca Federacije Bosne i Hercegovine. Društvo za reviziju, računovodstvo i konsalting Revizija Škamo d.o.o. Tuzla po svom ovlaštenom revizoru shodno odredbama pomenutog Zakona sačinjava:

IZVJEŠTAJ O OBAVLJENOJ REVIZIJI

N / R - DIREKTORU UDRUŽENJA POSLODAVACA FEDERACIJE BOSNE I HERCEGOVINE

Poštovani! *Obavili smo reviziju priloženih finansijskih izvještaja Udruženja poslodavaca Federacije Bosne i Hercegovine (u daljem tekstu- Udruženje) koja uključuje Izvještaj o finansijskom položaju – Bilans stanja na dan 31.12. 2015. godine, Izvještaj o sveobuhvatnoj dobiti - Bilans uspjeha za period 01.01. do 31.12. 2015. godine, zatim, Izvještaj o gotovinskim toku za poslovnu 2015. godinu, te Izvještaj o promjenama u kapitalu sa danom 31.12. 2015. godine. Presentirali smo i sažetak naših bilješki uz finansijske izvještaje koje su date na rednim brojevima stranica od rednog broja 26 do rednog broja 53 Izvještaja.*

Odgovornost Uprave

Uprava je odgovorna za sastavljanje i objektivan prikaz ovih finansijskih izvještaja u skladu sa usvojenim Međunarodnim Standardima finansijskog izvještavanja (MSFI) kao i Međunarodnim Računovodstvenim standardima (MRS).

Odgovornost Uprave uključuje: vrednovanje, uređivanje i oblikovanje finansijskih izvještaja, formiranje i održavanje internih kontrola, primjenu zakonskih propisa važećih za sastavljanje i objektivan prikaz finansijskih izvještaja u kojima neće biti značajnih pogrešnih prikaza uzrokovanih prevarom ili pogreškom; odabir i primjenu računovodstvenih politika; i utvrđivanja razumnih računovodstvenih prosudbi primjerenih u datim okolnostima.

Odgovornost revizora

Naša odgovornost je da na osnovu izvršene revizije izrazimo mišljenje o prikazanim finansijskim izvještajima. Reviziju smo obavili u skladu sa Međunarodnim Revizorskim standardima, a ti standardi zahtijevaju pridržavanje revizora etičkim pravilima, te planiranje i provođenje revizije do nivoa koji je potreban za postizanje razumnog uvjerenja o tome da u finansijskim izvještajima nema značajnih pogrešnih iskaza.

Reviziju finansijskih izvještaja Udruženja poslodavaca Federacije Bosne i Hercegovine obavili smo koristeći kao kriterije za ocjenu realnosti i objektivnosti finansijske izvještaje, stepen i nivo

-1-

Udruženje poslodavaca Federacije Bosne i Hercegovine

-Izveštaj o obavljenoj reviziji-

usklađenosti i pouzdanosti računovodstvenih evidencija i finansijskih izvještaja Udruženja ... u odnosu sa Međunarodnim Standardima finansijskog izvještavanja (MSFI) i Međunarodnim Računovodstvenim standardima (MRS), Zakonom o računovodstvu i reviziji u F BiH, te uvažavajući dobre poslovne običaje i usvojena pravila struke.

Revizija uključuje provođenje postupaka radi pribavljanja revizorskih dokaza o iznosima i objavama prikazanim u finansijskim izvještajima. Odabir postupaka ovisio je o procjeni revizora, uključujući i procjenu rizika značajnih pogrešnih prikaza u finansijskim izvještajima uzrokovanih eventualnom prevarom ili pogreškom. U procjenjivanju tih rizika, revizor analizira interne kontrole važeće za sastavljanje i objektivan prikaz finansijskih

izvještaja kako bi odredio odgovarajuće revizorske postupke u datim okolnostima, ali ne i za izražavanje mišljenja o učinkovitosti internih kontrola datog subjekta.

Revizija takođe uključuje procjenjivanje datih, primijenjenih računovodstvenih politika i primjernost utvrđenih računovodstvenih procjena Uprave, kao i ocjenu cjelokupnog prikaza postojećih finansijskih izvještaja iskazanih u izvještajnoj godini.

U konkretnom slučaju, vjerujemo da su nam poduzeti revizorski dokazi dostatni i da čine razumnu osnovu za izražavanje našeg mišljenja.

Mišljenje ovlaštenog revizora.

Po našem mišljenju, finansijski izvještaji prikazuju realno i objektivno stanje, i u svim značajnim aspektima poslovanja I da je finansijski položaj Udruženja poslodavaca Federacije Bosne I Hercegovine na dan 31. decembra 2015. godine, takav da oslikava rezultate njegova poslovanja, gotovinske tokove i promjene na kapitalu za godinu koja završava na taj dan.

Cijenimo da su postojeći izvještaji iskazani u skladu sa Međunarodnim Standardima finansijskog izvještavanja.

Dakle, završno revizorsko mišljenje: **pozitivno.**

Prijedlog revizora: Bez uticaja na dato mišljenje skrećemo pažnju korisnicima ovog Izvještaja, prevashodnu Upravnom odboru I direktoru Udruženja na poglavlje **ZAPAŽANJE REVIZORA U TOKU PROVOĐENJA REVIZIJE.**

Tuzla, 04. 04. 2016. godine

Reviziju obavio;

Škamo Adil, ovlašteni revizor;

/licenca br. 3090099106 /

Direktor;

/ Škamo Aida, s. r./

-2-

- Upravni Odbor -